

## Қабр амаллар сандиғидир



07:06 / 13.11.2018 3268

Кумайл ибн Зиёд ривоят қиладилар:

«Ҳазрати Али, розияллоху анху билан бирга айланиб юрар эдик. Жаббон қабристонни ёнидан ўтаётганимизда, у киши қабристонга қараб:

– Эй қабрларда ётганлар, эй суяклари чириб, тупроққа қоришганлар, эй қоронғуликларда ёлғиз қолганлар, сизларда нима гап? Биздан сўрасангиз, молларингиз тақсимланди, болаларингиз ўксиз ва етим қолди, хотинларингиз бошқа турмуш қуришди. Бизда ана шундай хабарлар. Сизларда қандай хабарлар бор? – деб сўрадилар.

Сўнгра мен томонга бурилиб:

– Эй Кумайл, агар уларга жавоб қилиш учун изн берилганида: “Озуқанинг энг яхшиси тақводир”, деб айтишган бўлар эди, – дедилар.

Бир оздан кейин эса йиғлаб, бундай дедилар:

– Эй Кумайл, қабр амаллар сандиғидир. Буни фақат ўлганингдан сўнг биласан...»

***“Қалбимизнинг нури” китобидан***